

Mei Dörfla

Da Herrgott hot uns a Nestla gebaut,
schöa mollig in gröana Wiesa.
Do sen ma dehäm, es is sou vertraut,
a Bächla düt mittedin fließe.

Da Wald guckt vo owa als Wächter eroo.
Er gitt uns a Luft, a racht schöanna.
De Störm un Gewidder, die hält er uns oo,
daß bei Nocht ma gut schloffa könne.

Im Dörfla koo jedn bei Noma ich nenna.
Uff da Stroß wäß a jedr ebbs Neis.
Dan Nochbr sei Hündla, däs düt mich aach kenna,
und düt nor die frömme Leit beiß.

Benn ich fort bin, allä in de groða Welt,
koo vor Hämkranket ich nes mehr schloffa.
Do merk ich, daß wahrlich mer nes mehr gefällt,
in mei Dörfla häm möcht ich garn laffa.

Ich gäah widdr häm in mei Dörfla so klä,
bu jedr Wag, jeds Häusla vertraut.
Do bin ich bei Dog un bei Nocht niat allä,
bu da Herrgott mei Nestla gebaut.

